

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
Ո Ր Ո Շ ՈՒ Մ
վարչական տույժ նշանակելու մասին**

01 նոյեմբերի 2023թ.

ք.Գյումրի

Ես՝ Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս, քննելով Ղուկաս Ենոքի Ղուկասյանի (անձնագիր՝ AT0369701, Լոռու մարզ, ք Ստեփանավան, Պրոմետեյ տնակ 2) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Ղուկաս Ենոքի Ղուկասյանի անվամբ 29.04.2023 թվականի թիվ 05100022/290423/0015620 տարանցման հայտարարագրի համաձայն Բավրայի մաքսային կետով ՀՀ տարածք է ներմուծվել տարբեր ապրանքներ՝ հագուստ, մազնիսական պոմպեր: Նշված ապրանքները 04.05.2023թ. հանձնվել է մաքսային մարմիններին ժամանակավոր պահպանման: Տրանսպորտային միջոցի վերաբերյալ Ղուկաս Ենոքի Ղուկասյանը սահմանված ժամկետում մաքսային մարմիններին մաքսային հայտարարագիր չի ներկայացրել:

Փաստի կապակցությամբ 11.09.2023 թվականին Ղուկաս Ենոքի Ղուկասյանի նկատմամբ կազմվել է մաքսային կանոնների խախտման վերաբերյալ արձանագրություն <<Մաքսային կարգավորման մասին>> ՀՀ օրենքի 304-րդ հոդվածի հատկանիշներով:

Գործի քննությունը նշանակվել է 01.11.2023թ. ժամը 11:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: <<ԱՅՓՈՍ> ՓԲԸ-ի կողմից ծրարը հետ է վերադարձվել: Սույն վարույթի շրջանակներում Ղուկաս Ենոքի Ղուկասյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 18.09.2023թ. թիվ 27.2/56982-2023 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության 26.09.2023թ. թիվ 52991-2023 գրությամբ վերջինս փաստացի բնակվում է Լոռու մարզ, ք Ստեփանավան, Պրոմետեյ տնակ 2 հասցեում:

ՀՀ ՊԵԿ գլխավոր քարտուղարի 20.09.2023թ. թիվ 1/27.2/57440-2023 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 28.09.2023թ. թիվ ՄԽ/13360-2023 գրությամբ տեղեկացվել է նշված քաղաքացու անվամբ անշարժ գույքի գրանցման

վերաբերյալ: Պատասխան գրությամբ հայտնվել, որ Ղուկաս Ենոքի Ղուկասյանի անվամբ անշարժ գույքի գրանցում առկա չէ:

ՀՀ ՊԵԿ Հյուսիսային մաքսատուն-վարչության պետի գրությամբ հարցում է կատարվել ՀՀ ՊԵԿ ներքին անվտանգության վարչություն Ղուկաս Ենոքի Ղուկասյանի սահմանատուների վերաբերյալ տեղեկատվություն ստանալու վերաբերյալ: ՀՀ ՊԵԿ Ներքին անվտանգության վարչության պատասխան գրությամբ քաղաքացին 27.05.2023թ"-ից Բագրատաշենի մաքսային կետ-բաժնի անցակետի ելքի միջոցով հատել է Հայաստանի Հանրապետության սահմանը:

ԵՏՄ մաքսային օրենսգրքի (այսուհետ՝ Օրենսգիրք) 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ Օրենսգրքի նույն հոդվածի 2-րդ կետում և 259-րդ հոդվածում նշված դեպքերի:

Նույն Օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ Օրենսգրքով սահմանված այլ ժամկետում:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 332-րդ հոդվածի 2-րդ մասի համաձայն՝ մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:


«Մաքսային կարգավորման մասին» ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը առաջացնում է տուգանք՝ **Ֆիզիկական անձանց համար՝ երեսուն հազար դրամի**, իսկ պաշտոնատար անձանց համար՝ հիսուն հազար դրամի չափով:

Հիմք ընդունելով ՀՀ Վարչական իրավախախտումների վերաբերյալ օրենսգրքի 32-րդ և 234-րդ հոդվածները, «Մաքսային կարգավորման մասին» ՀՀ օրենքի 304-րդ, 322-րդ և 334-րդ հոդվածները.

Ո Ր Ո Շ Ե Ց Ի

1. Ալեքսանդր Ղուկաս Ենոքի Ղուկասյանին ճանաչել զանցառու «Մաքսային կարգավորման մասին» ՀՀ օրենքի 304-րդ հոդվածով և նրա նկատմամբ նշանակել վարչական տուգանք 30.000 ՀՀ դրամի չափով:
2. Որոշման մասին հայտնել Ղուկաս Ենոքի Ղուկասյանին:
3. «Մաքսային կարգավորման մասին» ՀՀ օրենքի 334-րդ համաձայն որոշումն ուժի մեջ է մտնում այն կայացնելու պահից և կարող է վերադասության կարգով բողոքարկվել «Մաքսային ծառայության մասին» օրենքի 37-րդ հոդվածի համաձայն կամ ՀՀ վարչական դատարան՝ երկամսյա ժամկետում:

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏ ՀԱՐՈՒԹՅՈՒՆ ԱԶԳԱՆԴՅԱՆ



Որոշման օրինակը _____ հավելվածներով 3 (երեք) էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

« _____ » 2023թ.

(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի N՝900005024055 հաշվեհամարին 28 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կալարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: